

BIGARREN HIZKUNTZA ESKAKIZUNA

Hizkuntzen Europako Erreferentzia Marko Bateratuaren B2 maila

MINTZAMEN PROBA


- Saio bakoitzean bi azterketarik hartuko duzue parte.
- Probak aurkezpena eta bi ariketa izango ditu. Atal guztiak egin behar dira.
- Lehenengo ariketa aldez aurretik prestatu behar duzu.
- Egin beharreko probaren alderdiren bat ulertzen ez baduzu, azterketa hasi baino lehen, epaimahaiari eskatu beharko diozu zalantzak argitzeko.
- Saioa grabatu egingo da.

	PROBAREN EZAUGARRIAK	AURREIKUSITAKO DENBORA	PUNTUAZIOA (GEHIENEZ)	PUNTUAZIOA (GUTXIENEZ)
MINTZAMEN PROBA	<p>Aurkezpena</p> <ul style="list-style-type: none"> • Ez da ebaluatuko. • Labur-labur bakoitzak bere burua aurkeztuko du (izen-abizenak eta NANA). <p>1. ariketa: Bakarrizketa</p> <ul style="list-style-type: none"> • Aldez aurretik prestatuko duzun gai bat azaldu behar duzu. Gero, beste azterketariari entzundako azalpenari buruz galderaren bat egingo dizute aztertzaileek. • Gaia, hari buruzko argazkiak, informazio laburra eta galderak edukiko dituzu azalpena bideratzeko. • Denbora: 3 min azalpena egiteko eta 1 min aztertzailearen galderari erantzuteko. • Batak bukatzen duenean, besteak ekingo dio. • 15 puntu. <p>2. ariketa: Elkarrizketa</p> <ul style="list-style-type: none"> • Gai baten inguruko fitxa banatuko zaizue. • Adostasun batera iristeko egoera bat aurkeztuko zaizue. Helburua negoziatzea eta informazioa trukatzeko da. • Denbora: 1 min fitxa begiratzeko, eta 6 min elkarrizketan aritzeko. • 15 puntu. 	<p>30 min</p> <p>(10 min gaia prestatzeko dira)</p>	30	15

1. ariketa. Eman zure iritzia gai honi buruz

- 10 min dituzu gaiari buruz duzun iritzia antolatzeko eta azterketan esango duzuna prestatzeko. Horretarako, laguntza gisa ematen dizkizugu gaiaren inguruko argazkiak, informazioa eta gidoitxo bat. Gero, 3 min dituzu azalpena egiteko.
- Amaieran, beste azterketariari entzundako azalpenari buruz galderaren bat egingo dizute aztertzaileek.
- Ebaluatzerakoan, hauxek hartuko dira kontuan:
 - gaiari heldu diozun,
 - esaten duzuna ulergarria den,
 - euskara nola erabiltzen duzun: jarria, zuzentasuna eta aberastasuna.

GAURKO IRAKASLEAK



Betidanik irakaslearen paperak garrantzi handia izan du gizartean, baina egunotan garai bateko errespetua, prestigioa eta agintea galdu omen dituzte. Gaur egun irakaslea izatea ez da lan erraza eta zailtasunak gero eta handiagoak dira.

-
- Zer deritzozu gaurko irakasleen lanari? Alde handia al dago oraingo eta lehengo irakasleen artean? Zertan?
 - Gaurko ikasleek eskubide gehiegi eta betebeharrak gutxiegi al dituzte?
 - Gobernuak irakaskuntzan hainbeste erreforma egiteak laguntzen al die irakasleei beren lanean?

1. ariketa. Eman zure iritzia gai honi buruz

- 10 min dituzu gaiari buruz duzun iritzia antolatzeko eta azterketan esango duzuna prestatzeko. Horretarako, laguntza gisa ematen dizkizugu gaiaren inguruko argazkiak, informazioa eta gidoitxo bat. Gero, 3 min dituzu azalpena egiteko.
- Amaieran, beste azterketariari entzundako azalpenari buruz galderaren bat egingo dizute aztertzaileek.
- Ebaluatzerakoan, hauxek hartuko dira kontuan:
 - gaiari heldu diozun,
 - esaten duzuna ulergarria den,
 - euskara nola erabiltzen duzun: jarria, zuzentasuna eta aberastasuna.

ZIGARRETA ELEKTRONIKOA



Tabakoari uzteko asmatutako metodoen artean zigarreta elektronikoa dugu azkena. Batzuen ustez, gutxiago erretzeko edo ohiko tabakoaren ordezkoa da; besteen ustez, berriz, legeari ihes egiteko eta edonon erretzen jarraitzeko aukera.

-
- Zigarreta elektronikoa negozioa da ala erretzeari uzteko sistema egokia? Zergatik?
 - Arautu behar al da zigarreta elektronikoaren erabilera leku publiko itxietan?
 - Tabakoa utzi nahi izango bazenu, erabiliko zenuke metodo hau? Zein da metodorik onena erretzeari uzteko?

2. ariketa

Gaiaren inguruko bat-bateko elkarrizketa egingo duzue orain.

- Adostasun batera iristeko egoera bat aurkeztuko zaizue.
- Helburua: argumentatzea, negoziatzea eta iritzia trukatzea.
- Kontuan hartuko dugu zenbat/nola parte hartzen duzuen.

Materiala eman (bakoitzari bere fitxa).

Zer egin behar duten azaldu:

■ Egitekoa:

ZERTAN INBERTITUKO ZENUKE AURREZTUTAKO DIRUA?

Adituen ustez, orain dugun erretiro-pentsioa kolokan dago eta ezinbestekoa izango da beste aukera batzuk bilatzea, kobratuko dugun pentsio hori osatzeko. Horregatik, etorkizuneko egoerari aurrera egiteko, aurreztu ahal dugun dirua ondo inbertitzea omen da gakoa.

Fitxan **zenbait argazki** ikusiko duzue. **Komentatu eta zeuen iritzia eman, bakoitzak berea. Horren ondoren, zeuen artean eztabaidatu eta saiatu aukeren artean adostasun batera iristen.**

- 1 min duzue fitxa begiratzeko, eta 6 min inguru elkarren artean elkarrizketa egiteko.

Jardunaren bitartean:

- Hitz egiten utzi eta denbora kontrolatu.
- Beharrezkoa bada, esku hartu, moztu, txanda aldatu... (komunikazioa eteten bada, desoreka badago, ekoizpena laburregia bada)
- Horretarako, hemen dituzu galdera osagarriak:

Galdera osagarriak

- Erretiroa hartzen duzunean, kobratuko al duzu pentsiorik?
- Uste duzu aurreztea merezi duela? Zergatik?
- Erraza al da une honetan dirua aurreztea?

ZERTAN INBERTITUKO ZENUKE AURREZTUTAKO DIRUA?



Ekarri 10.000 € zure planera, eta lortu 20.240 €!



Eta gainera parte hartuko duzu 65 iPhones 5C-ren zozketan

ESKANTZA BALOKIA DA 13-12-31RA ARTE

© 2013 CREDITO 100

